

張文襄公詩集

張文襄公詩集目錄卷二百二十四

詩集目錄一

癸丑七月畿輔淫雨十日順天天津保定河間正
定深冀方二千里間大水無際自通州乘舟至

束鹿

南歸道中作時懷慶被圍訥督部爾經額恩尙書

華勝欽差保托將軍明阿李撫部德合兵援之

凌霄吟題劉貞女陵霄閣詩集

哀時

瀘州渡江

人日遊草堂寺

杜工部祠

雨行蜀棧遇諸兄

宿甯羌州

乙卯除夕宿紫柏山留侯祠

鳳嶺

康對山故里

井陘口

閔僕

銅鼓歌

卯金子行贈姊夫劉伯洵

哈密瓜三首

做醉篇

文山疊山二琴拓本

幽澗泉

來日大難

君馬黃

同人有效玉溪體者亦戲作一首

五忠詠

石阡知府嚴謹叔和

署都勻知府高廷煥式如

署貴西道巴圖魯于鍾岳伯英

思南府學訓導張鴻遠

冊亨州同雲騎尉劉寶善

送馮竹儒

煥光

赴湖北入益陽胡撫部幕

東海行

余在京師三兄在武昌以詩奉寄

座主蕭山朱尙書六十壽辰戒勿置酒命門人各

賦詩時方以科場事絀誤罷職聞居二首

送吳叟秋衣往四川爲道士吳癡金石善刻印技

在陳曼生趙次閑之間嘗荷一擔窮探名山訪
碑遇卽揭之二首

河間崔次龍能詩善畫寓都下十餘年無所遇而
歸

輓同年吳子珍

送莫子偲遊趙州赴陳刺史

鍾祥

之招

漢武帝

別陸給事眉生

雨後早發天津至唐官屯

歸家

海水

時方北
狩熱河

古風八首

濟南雜詩八首

濟南歲暮

辛酉春感

濟南行宮海棠

德州道上

邯鄲行

磁州道中二首

吹臺行贈任邱邊雲航

送嚴緇生從軍江南

奉和房師舍人范鴻生先生

鳴齋

榜後見示之作

三首

附錄范師原作四首

遊法源寺題虛心圖

題李蕤容

蕤銘

湖山高卧圖

重九日作

詩集目錄二

送同年翁仲淵殿撰從尊甫藥房先生出塞

同年李爽階

士璫

將之官天台縣合作詩留別意

頗缺賦此寬之

朝鮮灘隱畫竹歌爲董前輩

文煥作

送陳一山

喬森

落第還鄉

題朱麋君舍人

鎡成

焦山酣睡圖

題許海秋起居

宗衡

母孫太恭人山水畫卷先爲

盜竊後又從廠市買得五首

黃忠端墨妙亭斷碑硯歌爲孫給事楫賦

悲懷五首

訪萬柳堂

連鎮僧忠親王戰壘

江山望荊州城

漢上秦臺

詠懷湖北古蹟八首

屈大夫祠

鸚鵡州

吳王臺

杜征南祠

陶桓公祠

黃鶴樓太白堂

秋風亭

赤壁東坡祠

四生哀

蒲圻賀人駒

安陸陳作輔

孝感傅廷浩

蘄水范昌棣

哭陳生作輔

湖北提學官署草木詩十二首

桂

梧桐

藤

蘭

桃

紫荊

竹

蠟梅

何首烏

構

雜草木詩一首

恭擬大婚樂章四章

和王王秋五月一日龍樹寺集詩一首

極樂寺海棠初開置酒會客

和王王秋孝廉食瓜詩三首

潘侍郎藤陰書屋勘書圖歌圖爲無錫秦誼亭作
送王王秋歸湘潭

潘少司農嗜鄭學名其讀書之室曰鄭龕屬張掖
張君据高密漢人石刻畫象摸寫爲圖以同治
十一年七月五日康成生日置酒展拜會者十
一人因題小詩二首

新春二日獨遊慈仁寺謁顧祠

題彭侍郎畫梅

南洼修禊送客

秦子衡爲孫駕航畫景效寺丁香海棠卷

和潘伯寅壬申消夏六詠

揭銘

讀碑

品泉

論印

還硯

檢書

曉起至石閘海看荷花奇克坦泰觀察邀入水軒
置酒素不識主人賦詩謝之

病起遊諸寺

送同年楊紹卿由戶部主事呈請改官開化縣令
題董研樵玉泉院聽泉圖

九日慈仁寺毘盧閣登高謝麀伯何鐵生陳六舟
朱肯甫董硯樵陳逸山王廉生同遊

題潘伯寅侍郎極樂寺看花圖卷

過華山

驪山

灞橋一首

馬嵬驛讀壁上石刻詩

劍閣

登眉州三蘇祠樓

滁山書堂歌送吳仲宜尙書東歸將寓滁州

嘉州酒歌

攜家住桂湖

遊紫柏山留侯祠

住喜雨亭

遊東湖

住華山下玉泉院

褒城

登牛首山望終南曲江樊川輞川作歌

看法源寺松懷亡友陸廣甫

爾熙

攜家遊江亭

題湖州趙忠節公

景賢

圍城蠟書遺墨

花之寺看海棠坐中同年董兵備將有秦州之行
哀六朝

永歎三首

題常熟會退庵山莊一圖爲聖與刑部作二首

立秋後二日同謝騰伯朱肯甫吳清卿王廉生至

石閘海上游泛舟坐漁家秦氏園日暮方歸

戒壇松歌

偕張繩菴遊潭柘寺看松月

輓吳圭菴

觀禮

合肥李相太夫人八十壽詩

天甯寺紫藤花初開獨遊玩之

遊淨業湖訪法梧門故居不得

誤盡四首

詩集目錄三

門人諸孝廉

可寶

爲余畫楚游十三圖今失去更

求畫手補之各題一詩

黃鵠磯

琴臺

武昌西山

樊口

雪堂

鹿門

習家池

隆中

蘭臺

龍山

蝦蟆碚

空舂峽

蒙泉

秋興

扈從上 定東陵作

同張繩菴訪僧心泉因與同遊南洼

族姪瑞蔭入學與其父子青宮相同歲賦詩爲賀

二首

憶蜀遊十一首

浣花溪

劍閣

錦屏山

凌雲山

重慶府

忠州東坡

摩閣閣

功峽山九折坂

夔門

火井

青城山

沈松樵贈琴泉寺唐經二紙

五北將歌

廣州副都統烏蘭泰

湖北提督塔忠武齊布

西安將軍多忠武隆阿

科爾沁僧忠親王

塔爾巴哈台參贊大臣署伊犁將軍錫綸

連珠詩三十二首

謁胡文忠公詞

金山觀東坡玉帶歌

彭剛直公輓詩

憶嶺南草木詩十四首

廣益堂雙松

此君亭竹

越王臺木棉

三君祠桃椰

南園老柳

杏林莊杏花

虞苑柯子樹

光孝寺菩提樹

半塘荔支

菊坡精舍朱槿

白雲山玉蘭

花埭五棱子

螺岡梅

濂溪祠荷

壽黃漱蘭通政六十

俄國太子來遊漢口饗燕晴川閣索詩索書卽席

奉贈

希臘世子

謝周伯晉翰林惠黃州雞毛筆

謝周伯晉惠上海三白瓜時方苦熱

謝易寶甫餉廬山茶菽

謝易寶甫再惠廬山三峽泉

九月十九日八旗館露臺登高賦呈節龔孝通伯

嚴半垣叔嶠諸君子

臘月十六日邀汪進士陳考功易兵備楊舍人至

兩湖書院講堂看雪月余以畏寒頭痛先歸

封印之明日同節龔伯嚴寶甫叔嶠登凌霄閣湖

北三得大雪微雪無數除日賦詩

詩集目錄四

正月初二日同楊叔嶠登樓望餘雪

易實甫以司馬溫公殘帖硯見贈乃溫公與其姪
九承議手札後半段其眉亦缺數字就殘石作
硯葉東卿故物翁潭溪刻字題爲斷碑硯誤上
有元吾子行印及昌齡印昌齡滿洲人乾隆時
官學士多藏舊槧本書余每見之印朱文曰長
白敷槎氏李南澗日記載其人疑此爲昌齡所
刻諸家眞蹟法帖不詳帖何名又不知眞蹟在

何所此其半石也三首

焦山觀寶竹坡侍郎留帶

蜀葵花歌

吳清卿罷湘撫歸蘇州過金陵出示王翬畫石湖

圖卷題句

正月十七日發金陵夕至牛渚

登采石磯

過蕪湖贈袁兵備昶

小孤山

石鐘山拜水師昭忠祠並祠前閣坐芸芳堂

江行望廬山

九江南岸西上二十餘里新柳縣延相屬

九曲亭三首

寒溪寺觀陶桓公手植桂

贈日本長岡護美三首

入對恭紀

中興

慈仁寺雙松猶存往觀有作

攜酒再遊南河泊邀茗樓同賦

和茗樓南河泊之作卽用九佳韻

西山

早朝恭紀

新舊

觀諸國公使覲見

卧佛寺松

國子監拜熙文貞王文敏兩公祠遂觀石鼓

歌曲

留滯都事日久時有唱酬

李文正故宅

過琉璃廠

拜寶竹坡墓二首

拜壽伯符翰林富墓

高粱橋

城坊

八月初一日奉德音明年萬壽不許鋪張臣工惟
在盡職毋庸報捐廉俸欽悚恭紀二首

讀題名錄

聞西使言永樂大典尙有殘本

四月下旬過崇效寺訪牡丹花已殘損

龍樹寺

龍樹寺西樓

小學堂

讀盛伯熙集

政務處諸公招同樊茗樓按察遊積水潭二首

故府

極樂寺

屢有旨整頓部務不令假手吏胥曹司均汲汲講求吏事而清苦殊甚亦鮮閒暇當爲長官所深念也

學術

此日足可惜

食陶菜

哀舊人

道路

長安

題瞿贈公魯青先生自濟圖

題瞿太母湯太夫人分鐙課子圖

王盧賢母秋鐙課詩圖六首

遊陶然亭

八月再遊積水潭

王翰甫沈同叔新葺寄園西樓成同人集於樓上
看西山限雙聲格

登天甯寺樓

九日 慈聖賜起酥花糕蒸食花糕內饌水角共
十四合又北羊一口醬菜十隻攜與同遊諸客
共之以廣上恩賦詩恭紀

白日一首示樊山

不朽堂夜集送樊山按察分得咸韻

用咸韻呈同坐諸君

癸卯入都讀王文敏公

懿榮

絕筆一紙慷慨從容

敬仰悲歎非言所罄賦詩述哀

讀史四首

李龜年

蔡攸

張天覺

張孝祥

紀恩詩十五首

再贈樊山仍用咸韻

遊蘇門山四首

百泉

拜孫夏峯徵君祠

坐泉上東亭

登孫登嘯臺

王樓營見杏花新柳是日濟河微雨

吳氏寂園

薛廬

元武湖

莫愁湖

雨花臺泉

胡氏愚園

青溪

羊皮巷某氏園

謝公墩

雞鳴寺

瞻園

翠微亭

燕子磯

魏督部光燾招集適園賦贈胡彥孫糧儲

金陵雜詩十六首

過張繩菴宅四首

過燕湖弔袁漚篳四首

登臨

仲弢偕令弟叔容手拓二遊洞山谷歐公題名

少年

竈姬辭

食橄欖

兔絲

題周東邨畫隱居圖

元稹

非荆公詩

江山觀魚

惜春

六十九歲生日柯遜菴中丞賦詩爲壽慙惶感歎
奉答二首

中秋大熱月夜與客乘舟至金口

中秋夜登大軍山和易實甫

送沈乙盦上節赴歐美兩洲二首

改建賢良祠

祠祀楊清瑞公宗仁胡文忠公林翼

於祠中設仕學院

書示眾官

武學西園

九日寶通寺塔登高

送梁節菴之官襄陽道

食黃河鯉與易實甫聯句

壽易笏山方伯八十生辰

讀宋史

讀白樂天以心感人人心歸樂府句

樹枏案宣統元年監國將以洵貝勒籌辦
海軍濤貝勒管理軍諮公面諍曰此國家
重政應於通國督撫大員中選知兵者任
其事洵濤年幼無識何可以機要爲兒戲

監國不聽公力爭之監國頓足色然曰無
關汝事公因此感憤致疾遂以不起此詩
卽爲是而作第二句作君臣末世自乖離
有謂君臣二字太顯恐公以此賈禍乃改
臣爲民而不料遂成民國之讖也噫

讀史絕句二十一首

賈誼

漢文帝

陸賈

司馬相如

叔孫通

東方朔

劉向

李商隱

揚雄

馬武臧宮

房元齡杜如晦

唐明皇

張九齡李德裕

李泌

杜甫

裴度

李吉甫

陳子昂宋之問

白居易

張九齡

陸贄

詩集目錄終

張文襄公全集

詩集目錄

三

張文襄公全集卷二百二十四

詩集一

癸丑七月畿輔淫雨十日順天天津保定河間正
定深冀方二千里間大水無際自通州乘舟至

束鹿

綺繡周原變水鄉誤看秫稻作菰蔣澤鴻休怨無安所
且限南來醜虜狂

時髮賊擾河
北畿輔戒嚴

南歸道中作時懷慶被困訥督部

爾經額

恩尙書

華

勝欽差

保

托將軍

明阿

李撫部

德

合兵援之

趙北方憂水河陽尙用兵三男都遣戍九帥各連營時

亂雞驚夜天寒鴈伴行莫嫌村酒薄且喜了秋耕

凌霄吟題劉貞女凌霄閣詩集

貴筑名士劉香士廣文衡之姑既聘

而婿死守

節四十年

地有古井水木有女貞子水木有時枯女心無生死劉
家三妹青溪才桃李方盛乘春開鳴雁未莫失其匹瓊
瑰盈抱將安歸凌霄縵瑤十丈許不怨芳華泣紅雨獨
繭纒絲作琴絃琴語道甘不道苦比翼無過數十春孤
鸞一曲鳴千古吾怪中壘與西河論禮雖精何其苛旌
此亦足輝彤管世間中庸能幾多吁嗟乎女未適人士
未祿一例貞苦不可沒商伯夷齊王蠋漢之龔勝晉之

王裒唐周樸

哀詩

刁調青蘋末終致沙石飛鬼馘金隄高安知蟻穴危清
晏五十年養此氓蚩蚩文吏吾公醉武卒市人嬉江南
信可哀河北守者誰勢欲括赤縣與之作潢池秦極否
所伏剝窮復繼之泰否乃天道剝復在人爲天道已板
板人事仍熙熙

瀘州渡江

時乙卯秋

夔府荆門據上游魚龍白日狎高秋三刀不見樓船下
孤負長江竹箭流

人日遊草堂寺

人日殘梅作雪飄，出城攜酒碧溪遙。
無端杜老同心事，四海風塵萬里橋。

杜工部祠

少乞殘杯道已孤，老官檢校亦窮途。
榮名敢望李供奉，晚遇難齊高逵夫。
憑仗詩篇垂宇宙，發揮忠愛在江湖。
堂堂僕射三持節，那識流傳借腐儒。

今嚴鄭公詩三首附刻杜集

兩行蜀棧遇諸兄

鬼方瘴癘正憂兵，兄向南行我北行。
此後逍遙堂裡夢，雨風猶是對牀聲。

宿甯美州

歲晏單車獨北征，風催槁葉下邊城。一家骨肉同萍梗。

時家大人方督兵辦賊，賊熾餉缺。四海親朋半死生。

五弟艱苦已極，伯仲叔三兄南行在路。小潭以癸丑秋歿，笙樵從兄亦以是秋歿於粵。粵方有

紅匪之亂，從姪桐冒難奔喪，今無耗業。師童雲遠，洪南

咳兩先生皆陷賊，流離死生未卜。石氏鹿氏諸戚時在都勻，府圍城中兵警危甚。

急稅旌旗江上未，休兵憂來無寐披衣起。霜月橫天樞

馬鳴

乙卯除夕宿紫柏山留侯祠

四年四除日疾如逝水，度無歲不易。方可笑蓬與絮，壬子蔣氏客癸丑錦官寓甲寅栖圍城。戰士方暴露巡警

明之集卷之三十一
雜卒伍傳箭待東曙今年伴道士寒燈展臥具階泉鏘
玉聲松雪耀積素勞人逢幽境聊作蘧廬住窮村爆竹
稀瘖啞如裂布縱橫壁下僕鼻息窮牛怒文武成何事
僕僕病道路青山茁紫芝愧此棲隱處

鳳嶺

神泉蕩無險險自散關始萬壑共一井行人在其底壞
木支橋閣二分僅容趾左捫將墜石右瞰不測水茲嶺
塞朝昏去天諒及咫盤路穿林蛇細馬行磨蟻微聞後
者喘數見前人止青黃木剝膚鋒鏑石厲齒幽禽不來
集豈有鳳皇子通道金牛詐飛仙毛女美嶺高有盡時

林際墟烟起洗足沽茅柴不勞那得喜

康對山故里

太邱弔張讓貶節但自保康齋謁石亭感恩遂顛倒賢
哉康殿撰行權乃合道孰能救空同大德不恤小中情
荃不察黨廢甘枯槁樂府琵琶哀鶯花汧東好肝膽照
千春蒙污自皎皎蠶室發孤憤感歎交遊少世事如翻
雲鄂杜多秋草

井陘口

羣山萬壑齊塞井陘道匹馬躑躅千駝愁大車束輪仍
折軸行人一里須三休亭午恩恩漏曦月百步之外誰

能搜瘦婦揭衣避澗漲瘦男捧土填坑溝山店主客皆
惆悵成功獨歎淮陰侯穴中只能鬪兩鼠豈容旗鼓升
高邱三百里間難進退殺師一鼓俘秦囚諸葛不犯子
午險孟德喜脫烏林幽左車憑水已中策並此不用眞
無謀勿頸之交尙背負乃以誠信施敵讐嗟哉陳餘謬
稱儒家流此輩之冠誠可洩

閔僕

峻坂摧輪雨雪零蕭奴從我在他鄉乾餓冷店同朝暮
此亦貧交不可忘

銅鼓歌

咸豐四年黔始亂播州首禍連羣苗列郡擾攘自戰守

盤江尺水生波濤

南盤江帶興義府境

府兵遠出連城陷合圍呼

嘯妖徒驕純皇天章久愈炳義民豈惑狐鴟妖

嘉慶二年南籠

府苗變城守經年獲全賜府名爲興義高廟製詩一首旌之刊於郡堂

我先大夫慷慨

仗忠信青衿白屋皆同袍

共守城者皆文武生監及商民

吳公祠下水

清泚百口併命甘一朝

府城有十八先生祠祀明季吳貞毓等同死事十八人祠內有

大池衝焚罍聽賊計盡鑿門而出窮追鈔民兵五千憑感

激疾如振籜覆其巢奢香係頸降道左濟火革面居前

茅不見援師助空拳那有饋餉分簞醪三城百寨並掃

蕩

安南普安二縣新城縣丞城次第克復

籌谷黯黹前腥臊收其積聚供

館穀放其牛馬還林皋俾其子女赦不殺授之畚田使
畔罇清酒一鍾亦不飲獨取一物深於了甯短於馨降
夷稽首述故事傳自漢相安獐猺嗚呼漢相信神武拜
表討賊先不毛豈不知秦川宛洛皆爭地未清堂奧難
及郊隄官隗構四郡戴攻心一語參軍教範銅爲鼓賜
酋長坎地寶護埋山坳歲時祀鬼乃敢擊蘆笙巫唱紛
噉嘈不然戰鬪合徒眾花鬘赤腳奔相招一面足可直
百特擅一爲富擅十爲酋豪鼓亡苗滅古記語以威報
虐將焉逃鬼方冀方遠遙遙致之重煩氍席包連弩銅
牙雖罕覩此物猶見天威萬古懸雲霄圍徑四尺修八

寸四耳無當約其腰文螭蟠擊朱鷺翥細乳三百有二
相周遭髣髴篆文不可辨屢煩畫肚終牙聲土花紺碧
沁肌理靄紋宛轉環臯陶中心瑩滑不留手恰受二尺
檜椎敲良辰會客風日美水面考擊鳴蒲牢如觀溪崗
跳明月宰牛呷酒歡相邀忽然蠻風捲瘴雨中有鐵馬
聲蕭蕭一擊再擊轉激楚戰場萬鬼皆唬嗥不用趣戰
用行酒銅龍悲憤發長號國初諸老始賞詠黃湄秋谷
俱清超查氏書堂復繼起宛平查禮以銅鼓
書堂名其詩集徒爲玩物
爭抽毫我聞燕然旣振旅仲山寶鼎來歸朝此詩述德
因愛物子孫永寶當不佻藏之宗祏無忘在莒事亦知

乃祖乃父於國宣勤勞剖符領郡三十載不蓄長物甘
蕭條羅施石醜不足載此鼓祇如蕙苴來南交聖人有
道四夷服何用大食日本歌金刀

卯金子行贈姊夫劉伯洵

大鵬向南飛萬里一徘徊羊角多回風轉爲葦上鷓鴣
哀狂國笑狂類如此河間今見卯金子卯金之子能好
學雙瞳奧澈翦秋水問君據案讀何書乃是黃帝太公
之陰符神州如沸何人責作此寂寂眞非夫既不羨賤
儒科名嚇腐鼠復不爲才人詩酒鬪龍虎纖美儀容何
害崔伯深縱橫大略誰識陳同甫我性樸鈍君靈奇勿

謂相反卻相知雄談能使臧獲訝標榜誤被親朋嗤君
嘗規我太剛必損缺我亦戒君精銳防顛蹶固知利用
非鉛刀更憂經久無冰雪君今杖策遊燕都新知得有
奇士無山水雖好琴絃歇風雨方急雞鳴孤勉旃崇德
且餐飯金玉終當遇薛卞商歌夜永何時旦

哈密瓜三首

百年都護府月峒偃天戈戊己將軍號燕支少婦歌微
甘何足貴青海喜澄波

砂磧瓜州地艱難土物臧冰膚瑩慘綠蜜理發明黃噉
雪猶相妬青門詎足方

漢塞蒲桃紫唐宮荔子紅珍奇非聖意職貢自西戎
早晚天山定裴岑善紀功

傲醉篇

我生多幽憂天放孰解縛感慨萬端併寄此無算爵一
石能精明自謂于公若螟蛉視二豪培塿眇五嶽賢者
笑還閔俗士憎且愕聖徒貴清明醉使神識濁傑士尙
沈毅醉必多疏略庶厲道力堅勿爲麴蘖奪詩狂不可
爲任達未能學笑謝王無功獨醒有至樂

文山疊山二琴拓本

白雁來江南海潮伏不起降表簽臣妾湖山亦蒙恥伯

厚且行遜子昂安足詆重儒莫如朱獨有交謝美烈烈
柴市風湛湛橋亭水無忝大丞相豈媿小女子誠知一
木微終爲三綱死幽情託紫絃激昂作變徵德音不可
聞遺此雙藤紙超然汪元量抱琴水雲裏

幽澗泉

幽澗泉千尺深長松磊砢生乎南山陰中有美人橫素
琴軫有美玉徽有金清商激越生空林元霜殺物兮蕭
森素月默默兮青天心哀暖爲我嘯潛虬爲我吟牙曠
千載憂思欽欽撫茲高張與絕絃兮何怨乎箏阮之善
淫惟有幽澗流泉知此音

來日大難

來日大難長夜漫漫金鍾進酒誰與爲歡羽翰扶疏以
遊天衢浮雲掩靄箕翼張舒鈞天皇帝所居橫覽冀
州恢有餘鳳凰在前青鸞在後下視瑤光纍纍如斗弋
人張羅不敢翹首驂風茹瀼窮年不休不如燕雀可以
忘憂

君馬黃

君馬黃臣馬驪同閑芻秣並道馳臣馬羸茶升高岡君
馬趁趨臨江湄江水浩浩生瀾漪謂公無度公然疑颺
風激水鼃鼃立馬不能進長鳴悲馬色尙不同丈夫有

志豈相師

同人有效玉溪體者亦戲作一首

青鳥銷沈錦字箋
鳳凰怨絕寶琴絃
佩留洛浦波難語
扇冷班姬月獨圓
夢兩夕飄三峽路
淚筠春綠九疑烟
持金恥覓他人賦
自賦樓東且自憐

五忠詠

黔亂最久死忠者不可勝數此五人皆余知交貴州僻遠湮沒者眾矣

石阡知府嚴謹叔和

浙江桐鄉人先大夫以署貴東道率師勦下游苗教各匪

嚴爲幕僚後死石阡之難

溪峒飛鷲處淒涼
馬援兵樵蘇艱一飽
秦越阨連營決
勝賓僚智扶衰
骨肉情如何箕尾促不得話平生

署都勻知府高廷瑛式如

江西東鄉人以進士知縣募勇自請隸先大夫

軍討賊

文采蜚科第稱師艾至堂

艾東鄉名士高爲艾入室子弟

義師巡助遠

儒吏伍從王肺附皆虞殯同袍又國殤城雲叢壞氣祠

俎並英光

前任都勻府署貴東道鹿壯節公丕宗夫婦自焚署都勻府石均不屈遇害皆余至戚先

後都勻府三任皆死難

署貴西道巴圖魯于鍾岳伯英

漢軍于襄勤公成龍之裔孫殉難知

縣崇整之子

部曲從先子艱難矢石中論詩七子傑破陣萬夫雄縞

素孤兒淚

先以墨經從先大夫軍

丹青乃祖風猗柯遲悔禍不奏

貴西功

戰功最偉貴西悍賊略盡賊深恨之戰沒後僅得歸元

思南府學訓導張鴻遠

甫成傾蓋仁遽報夕烽來鳳羽寒雖短豺牙厲不摧

奔時事棘

府縣官吏皆遁惟君一人殉難

守道腐儒哀悽咽烏江水相

期愧不才

張君與余一見有知己之言

冊亨州同雲騎尉劉寶善

以禦粵匪戰沒其父官河南滑縣老岸司巡檢

首發李文成亂死節國史有傳

賢子冊亨吏尊公老岸司卑官如一轍慘節不同時野

哭紅江暗

冊亨屬貞豐州在貴州邊境與廣西以紅江爲界

招魂碧血滋欲求

公百輩爲帝守邊陲

送馮竹儒

煖光

赴湖北入益陽胡撫部幕

志士豈自見動與艱危尋竹箭無曲枝卷菴多苦心
白日有覆盆剝肝訴九閻虎豹當關臥不能遏我言
六月感嚴霜清問雪沈冤誰謂烈丈夫不如女緹縈
緹縈何足羨清時自聖明

君家南海孺我家北海隅帝京一握手針芥曾何殊
湛思究理亂搯挽規匡扶稠人廣如海欲語氣類孤
負羽將南征攬轡立踟躕所期肝膽親豈憾踪跡疎

妖氛暗四極鈇鉞勞王師將帥敦禮義大亂有已時
上有好士羅下有處囊錐陶公鎮上游南紀關安危幕下

多俊傑佐君攻玉資雲翔指江漢願爲晨風飛

東海行

東海在何許乃在神州東振策登之罘萬里青濛濛日
月星漢互吞吐江淮河濟來朝宗鯁壑蜃窟多詭怪齊
人道是蓬萊宮但見天吳鼓浪黑那有珊瑚樹殷天紅君
不見排難魯連子玉貌卻敵圍城中抗疏胡邦衡屈膝
苟活羞容容一怒便欲從此逝甘狎魚鼈隨蛟龍俯俯
不受濁流滓懷沙惜誓將毋同我本海濱士獨銜幽憤
希高蹤坐對天池一長嘯枯桑槭槭生天風王倫不斬
秦竟帝吾舍二子將安從

余在京師三兄在武昌以詩奉寄

辭鄉軾轍罕逢知對屋機雲未有期
兀稟更炊栖廡處蒼涼作賦上樓時
燕臺寒水成衣晚漢口斜陽見雁遲
當代功名同氣盛蹉跎莫待鬢如絲

座主蕭山朱尚書六十壽辰戒勿置酒命門人各

賦詩時方以科場事絀誤罷職閒居二首

張侯論語夏侯書帝輔王師有大儒地近論思歸侍從

時艱擔荷在中樞曾官兵部尚書孤芳詎免葦菴累公論終無

薏苡誣舊德歸然資顧問豈容揮手臥江湖

曾記龍門第一遊柳條西北近光樓澄懷閣樓名師居之籠中芝

箭孤青眼歲暮松筠易白頭修竹羣賢蘭渚會黃冠一
老鏡湖秋會稽山水堪娛老句漏丹砂不待求

送吳叟秋衣往四川爲道士吳癖金石善刻印找
在陳曼生趙次閑之間嘗荷一擔窮探名山訪
碑遇卽搨之二首

風塵瀕洞厭浮名竟著黃繩訪佐卿窈窕青城堪避世
知君不爲學長生

長物曾無可卓錫隨身猶自挈瓊椎擔簦西過旄牛徼
當有唐蒙下棘碑

河間崔次龍能詩善畫寓都下十餘年無所遇而

歸

浩然去國裏雙騰惜別城南翦夜燈短劍長辭碣石館
疲驢獨拜獻王陵半梳白髮隨年短盈尺新詩計日增
我愧退之無氣力不教東野共飛騰

輓同年吳子珍

名懷珍杭州人能爲古文好講求兵事

文瀾不取歸熙甫兵略時同魏默深聲氣牢籠羞鶴蓋
心期寥寂託牙琴某公負古文盛名後進皆希其明瞭同時法源寺有詩客十許人爲豪貴所隆禮聲譽日盛子珍皆與異趣數爲余言之倚闥猶自衣添綫爲位無端淚
涇襟聞有賢妻堪付託文園遺藁漫銷沈

送莫子偲遊趙州赴陳刺史

鍾祥

之招

黃沙舞風白日晡

子儂近
日別號

束書戒僕夫何事犯寒

鬚凍結南渡衡滋饑來驅臣朔履破不足道君亦如此

堪盧胡蚤年高名動帝都西南鄭莫稱兩儒犍爲文學

毋斂尹二千年上攀爲徒躔體慣作孟郊語瘦硬能爲

李潮書今年京國朋不孤瑰琦跌宕劉與吳

伯洵工詩
喜談經濟

子珍工
古文

經生壯士各異態臭味自合無差殊劉歸吳逝

君去國遠遊寶璐何人沽君詩送我西山麓重裘裝纏

去秋林疏

九月余與伯洵將遊西山子儂
作詩送之有重裘記裝纏句

我歌送君燕

市外劍筑蕭瑟冬原枯勿飲趙茶澆趙酒平原公子無

時無

漢武帝

平津經術張湯律厭次詼諧卜式錢一代公卿齊掃地
四夷珍怪盡朝天書沈青鳥西飛日淚灑金人入洛年
第一奇功刊不得將軍斥地過祁連

別陸給事眉生

年年帶甲滿關河燕市逢君對酒歌貞觀多賢人望治
馬周慙媿負常何

雨後早發天津至唐官屯

殘溜宵輟響明霞朝盈囑灌木驕平川軒軒出新沐淺
漲縈危磯瘠坂冒妍綠大隄亘如繩方軌各遵陸救渴

趨井眉亂流度馬腹向暄窳迴避栖塵困掃撲左問漢
陰灌右覩商邱牧良苗吐微薰無意時相觸信知農圃
好坐笑不黔突拊尾慰轅駒我與同局促

歸家

去時春水桃花發歸日郊原苜蓿青京國風塵傷老大
期年骨肉見彫零孟光蓬歷猶如昨驥子吮嘔漸可聽
且學躬耕避聞達移書先告草堂靈

海水

時方北
符熱河

海水羣飛舞蜃螭甘泉烽火接令支牟駝一旅猶言戰
河上諸侯定出師地孽竟符蒼鳥怪天心肯使白龍危

春秋王道宏無外狹量迂儒那得知

十載艱虞選將才牙旗玉帳上游開不關陸九綸言痛
已見陶公義檄來槃敦肯捐河北地衣冠幸免廣明災
江頭餘燼千門鎖蒲柳無春更可哀

古風八首

橘柚生雲夢童童如羽葆甘果旣纍纍冰蕤亦嫋嫋華
實均足珍眾彫見孤好霜中溢清芬能香不願早世人
稱松桂茲物不復道乃知耳目外蘊藏多瑰寶

山上采苦菜青青不盈筐暮春茁寸玉食之生清涼菲
薄野人味豈薦鼎俎旁自殊春薺甘敢望秋藟香貴人

歷芻豢腸腐亦當防爲君已內熱恐君不能嘗

山雞對鏡舞盤旋無時休文章召爭競知與生爲讐不
如抱我朴神與太素遊儻忽不相鑿攻取當無由人世
縱迫隘持此狎海漚

西蜀嚴君平下簾玩道德襄陽司馬徽善鑒仍守默褐
衣賣畚人治亂若黑白抒之不可旣閱之亦自得士不
羞貧賤有道處巖穴

布衣受人恩甘以身爲酬白日見肝膽微生如蜉蝣荆
卿一酒人晚遇燕太子搃柱虎狼愁氣奪鎬池鬼戰守
術已盡出奇豈得已信陵破秦軍祇爲得士死所惜時

已晚未並劇樂美趙吟山木下齊栖松柏裏大義獨燕
存光芒照易水

惟鮪悅回淵惟鹿安茂林灌莽何所戀寒蜚樂以吟大
道隨所挹志士各有心殊塗訾異端黨同感知音不好
自不知暖姝豈足欽爲謀無相強偏至方鉤深八紘羅
羣彥一目焉得禽

良馬千里足媚人不如狸毬場逐雞狗安辨駮與騏不
道無所用要知非其時塞草動朔風噴玉偶一嘶朝刷
醫無閭夕飲西母池但酬伯樂顧豈爲黃金羈

霜氣隕萬物長夜耿不眠獨立望九垓高穹負難攀斗

杓倦不轉流星如雨繁昂畢生芒角三台惚恍間文昌
傾厥筐王良失其鞭獨有積尸氣燦白如純綿參旂靡
不張枉矢鈍不穿蜷縮元武頸虓怒白虎顏森森華蓋
下熒惑豈敢干警旦盼神雞輝輝扶桑顛

濟南雜詩八首

齊疆多海魯多山風土中和是此間濟汶黃河三水會
重局不在穆陵關

龍山行盡麥田青沙路無泥十里亭山色雙雙齊入畫
泉聲步步盡堪聽

三泉鶩沸涌珍珠花乳傾甌燥吻蘇甘輒定居揚子上

清空得勝谷簾無

清波綠繞舊宮牆流入牙城幾曲長秋柳蕭疎空照影

吟詩如賦魯靈光

山東巡撫署爲明濟南王故宮引濟水貫其中王漁洋秋柳詩爲故王作也

不見詩人白雪樓漁洋祇賞錦湖秋語鈴開府東洲客

灑墨題詩處處遊

前巡撫崇恩別號語鈴老人時何子貞在濟南主講別號東洲老人

藩伯無家住亦佳寂寥水竹結茅柴門生不稱蘇和仲

曾到歐公畫舫齋

錢布政炳和雲南人官天津府時余應童子試受知最早今退休寓此結

廬大明湖上

伏生親授濟南經杜甫留題歷下亭十里明湖成葦蕩

百年名士等晨星

曾圖清濟貫洪河一線縈紆十丈多今日黃流全入濟
愁心誰會濯纓歌

濟南歲暮

魯酒無溫盡一觴修蛇赴壑惜流光煙塵暗夕仍多壘
雨雪彫年尙異鄉餞臘餽餽司命醉迎春笳鼓老農祥
東藩北渚誰堪語雄劍寒宵自吐芒

辛酉春感

上都水草鬱青青雪漠春回萬騎停漢德未丁陽九數
天街長護紫微星韓公輸貢丹心在杜老看花涕淚零

應識木蘭家法美朵顏今日是藩屏

濟南行宮海棠

辛酉二月
客濟南作

舊苑閒廊雨露新紅芳曾颺屬車塵
柔條妍似初中酒小萼穠如仁點脣
千里黃河驚北徙百年轡輅罷東巡
三齊處處傳烽火猶有猗儻媚好春

德州道上

時濟東方
有寇警

隴上牛羊自寢訛春深農事尙蹉跎
荒陂麥秀平原郡淺水蘆芽馬頰河
團練倉黃村塢閉客兵駱驛棧車多
一宵猶是承平象濁酒銅錢且聽歌

邯鄲行

寶瑟塵封青娥老宮車不走邯鄲道大道祇過無情人
香泥灑酒霑芳草當日叢臺高際天平原公子能好賢
履上明珠不足貴三千貧賤皆比肩美人不犯上客怒
河北一趙安如磐廉藺爲公卿毛生最有名羅網三千
收不盡賣漿博徒自向市中行信陵一見恨不早尙有
魯連在天表一國多賢真可羨不羨荆山多異寶強秦
噬人勝虎狼匹夫視之如鼠小姊夫婦弟雙琅玕至今
生氣吐邯鄲邯鄲城低一丈五今望平原已千古公子
如雲士如土交游知名不知心後房袞袞充歌舞窈窕
賢才兩不知求官惟禱唐仙祠青駒短褐日來往笑煞

城南牧馬兒

大道旁有呂仙祠
記盧生借枕故事

磁州道中

水入橫陂半淺深
煙絲挂樹路旁陰
一鞭驟響青驄馬
萬點驚飛雪色禽

朝雨清塵細不霏
荷簪犀利稻秧肥
畫圖祇稱漁蓑好
莫寫勞勞短後衣

吹臺行贈任邱邊雲航

嘯臺低吹臺高臺下瓦礫生
黃蒿登臺弔古逢吾曹
故人誰歟今邊韶大梁本是霸王地
至今白沙三丈沒城壕
五季如風青城虜惟有信陵死不腐
中原蕩蕩不自

立金戈蹂踐徒辛苦當年汴水入泗流清明上河尙可
遊南下朱仙四十里大車磷磷小車轆轤徹夜無時休
一自河決汴流斷中州貧索來寇亂錦衣甘食皆河兵
那有健兒習征戰君來蔡州營我去宋州城宋蔡相望
列三帥千羣邊馬仍橫行僧親王營柘城幫辦毛侍郎營歸德河南鄭撫部營汝甯
捻匪騎兵爾我少年容易老王粲從軍歡情少飲我酒
爲君歌金梁水月吹酒波試看戰骨白豈惜朱顏酩抱
關俠士不可見祇有憲王樂府堪吟哦

送嚴緝生從軍江南

緝生以庶常散館詞賦
頌揚被謫改官主事

病鶴難諧舞鶴羣甘從幕職策高勳黃旗已盡城中氣

朱雀猶懸桁外軍堪佐談兵京口酒相隨破浪海東雲
將航海行相如何止知封禪試看堂堂論蜀文

奉和房師舍人范鶴生先生

鳴齋

榜後見示之作

先生湖北武昌人同治壬戌會試得余卷亟薦
被落力爭不得憤悒泣下更爲延譽今年癸亥
恩科余中式仍出先生門下喜極賦詩四首
有句云適來已自驚非分再到居然爲此人

十八瀛洲選惟公薦士誠不才晚聞道因困轉成名已
賦從軍去重偕上計行天知陶鑄苦更遣作門生

滄海橫流世何人惜散才嶽竒爲眾笑前被有餘哀疊

中憑摸索孤生仗挽回韓門多徹喜應恨不同來

楊峴
浙江

舉人亦壬戌被薦同爲先生
歎賞者今科不復應會試

十載栖蓬累輪囷氣不磨殿中今負屐江介尙稱戈一
介雖微末平生恥媿嬰心銜甄拔意不唱感恩多

附錄范鶴生先生原作四首 上年會試分校得

南皮張香濤之洞卷薦上以溢額誤落深用悵悵
今歲復與校事填榜得香濤名仍出余房眾稱異
比出闈王少鶴奉常貽書有此樂何止得仙之語
屬爲詩紀之率成四律諭諸同人末章藉答奉常
兼示張子時同治二年初夏望日

十年舊學久荒蕪
兩度春官愧濫竽
正恐當場迷廩
鼎誰知合浦有遺珠
奇文共說元才子
完璧終歸商
大夫記得題名初
唱處滿堂人語雜歡呼

苦向閒階泣落英
東風回首不勝情
亦知劍氣難終
闕未必巢痕定
舊營佳話竟拚成一錯
前因遮莫訂
三生大羅天上春
如海意外雲龍喜合并

一滴蓬萊跡已陳
龍門何處認迷津
適來已自驚非
分再到居然爲此人
歧路劇愁前度誤
好花翻放隔
年春羣公浪說憐
才甚鐵石相投故有神

此樂何應祇得仙
太常箋語最纏綿
早看桃李森佳

一殖太常三校禮闡得土最盛翻爲門牆慶夙緣名士愛才如其命

清時濟治正需賢知君別有拳拳意不獨文章豔少

年

遊法源寺題虛心圖

叩關同訪牡丹開更爲松風輒一來數到舊遊常作惡

輸公心是不然灰

同年陸廣甫前輩謝麟伯數與余同過法源寺松間廡下藉地清言往往

竟日今兩君皆下世矣

題李蕤客

慈銘

湖山高卧圖

江南山水數會稽會稽無如鏡湖西水甘能釀千日酒
山深可著高人栖良田萬畝秔稻熟中歲一晦收十斛

鰕菜如土不論錢荷芰如雲高過屋季眞棄官甘投老
放翁曾爲楊梅飽越縵先生逋峭人卜居踏徧山陰道
兒時上冢年年來欲專一壑誰相猜精舍便沿鷗波築
養堂正對屏山開奉母躬耕此願畢一椽未就到今日
塘上人家長子孫墓田丙舍徒蕭瑟釋之久宦產亦減
長卿爲即思自免逢人便索圖村居要令家山常在眼
可憐畫手矜簡畧溪樹不春山容薄新豐門巷無處尋
聊伴越吟解寂寞買田陽羨知何時仲長樂志空文辭
有山無錢賣不得勸君勿被巢由欺

同治十一年五月二十八日

重九日作

曉起開門風葉落白日憶弟舍弟還南安今聞其病心不樂佩壺

欲上西山頭但愁日晚上城鑰漁洋老子耽秋吟黑窯

廠畔曾登臨今日平岡上樵牧寒雲碣石空陰森碣石寒雲

出塞悲漁洋黑窯廠登高詩忽憶慈仁有高閣百級三休試腰脚晴

烟隱約浮觚稜萬瓦鱗鱗壓羅郭使我百憂今日寬翮

然衫履來羣賢開口且從杜牧笑枯顛誰笑參軍顛力

士酒鎡舒州杓仰天醉看春雲薄王郎摩挲井闌字謝

公面壁看書勢寺有成豐六年陶鳧翁三十二人修禊詩東嚮大噉西停杯

二陳豪逸各有致豪者木父逸者六舟高臺葉檣夕風起薄寒清

瘦愁朱李就中祭酒長沙周承平先進常同游手拊松

鱗幾圍長舍利滿塔僧白頭董老五年離京國幽栖良
會惜難得倒冠落佩都相忘何用唐賢畫主客清霜未
高蟹未肥籬菊未孕寒花稀莫嫌花少蟹敖瘦猶勝歲
晏征鴻歸夕梵鐘魚出林表尙道行厨莫草草卻憐寓
直潘安仁高閣翳日思魚鳥潘伯寅侍即以佳日行樂
在直不得與會
須及時楚客何必生秋悲不見閣後纍纍冢醉盡干觴
彼豈知門外馬嘶奴執鞵游客倦行主僧送獨攜殘醉
辭雙松菜市燃燈街鼓動同治十年九
月十七日

張文襄公全集卷二百二十四終

安新陳賡虞校

張文襄公全集卷一百二十五

詩集二

送同年翁仲淵殿撰從尊甫藥房先生出塞

玉堂春早花如雪，捧襟攬轡與君別。
扶將老父辭青門，西行上隴水鳴咽。
隴山之外路悠悠，輪臺況在青海頭。
豈獨鞍馬憂憔悴，花門千騎充涼州。
雲中太守行召用，吏議雖苛主恩重。
出塞不勞送吏嗔，過海喜有佳兒從。
君家季父天下奇，謂叔平丈曾辭使節披萊衣。
君今爲親行萬里，一門孝弟生光輝。
幸免清羸似叔寶，更祝白髮顏常好。
鹽澤羽琤須縱觀，桐乳盤酥強一飽。
聞道韓擒師

且班石城青蓋入中原邊塵一斗爲君洗早晚金雞下

玉關

藥房先生在詔獄時余兩次入獄省視之錄此詩以見余與翁氏分誼不淺後來叔平相國一意頌

陷僅免於死不亞奇章之於

贊皇此等孽緣不可解也

同年李爽階

士壇

將之官天台縣令作詩留別意

頗鞅鞅賦此寬之

天台神秀多邱壑山巔下瞰見城郭勸君勿羨牛馬走
仙鄉作令亦不惡赤城霞色如桃花縣公鳴鼓開朝衙
亂後撫字未易了莫但閉閣餐胡麻

朝鮮灘隱畫竹歌爲董前輩

文溪

作

朝鮮人徐某欲學詩於董以畫爲贖

唐人畫竹鉤填廓北宋文蘇乃用墨此幅金泥寫元納

鬢鬢籜龍歎奇絕萬厯到今三百年作者灘隱今飛仙
蠟緘紙裏走山海遠隨貢使來朝天中朝翰林詩蒼古
遠人持畫代艇脯桂苑春耕筆未枯延陵知樂來觀魯
桂苑筆耕唐學士
高麗崔致遠集名獨恨當年惜韞材不埽寒梢萬尺許

三韓畫竹用中法因知詩亦同機括君詩清瘦學孟郊
正如孤箭坼瓊甲面壁苦吟至夜分定聞蒼玉相摩戛

送陳一山

喬森

落第還鄉

廣東遂溪人

雷州陳生將還鄉贈我寶刀尺五長千辟萬灌漏血縷
挂之暗室妖精藏自言本是游俠客少小彎弓響霹靂
中年折節讀詩書文章靈怪人不識時人不識且歸休

丈夫有志當封侯不然窮居計亦得蓬累著述爭千秋
浮長江度大庾六月道塗多淫雨但知遠遊樂不道行
役苦愛訾兵子多腐儒若遇劉巴勿共語

題朱麋君舍人

鑑成

焦山酣睡圖

朱四川人以詩名圖作於道光

年中

茗香步算知周鼎文達多聞辨陸銘爭向山靈談考據
禪牀塞耳不能聽

竟將四大作禪牀偶聽鐘魚出上方寄語東坡老居士
江山如此莫思鄉

風涼睡美在江樓隱隱山城見石頭曾是昔年吟嘯地

戈船軍鼓滿汀洲

汀洲春草綠芊綿又見承平選勝年西掖門前綾被裏
懸知流夢過江天

題許海秋起居

宗衡

母孫太恭人山水畫卷先爲

盜竊後又從廠市買得

時同治三年

南閣風流是俊人當年挖禿定酸辛憐君厭著黃塵帽
爲寫江山寄此身

三年趙簡發奇香梁上緘題袖底藏此物豈容偷奪去
青氈白髮泣王郎

劫後裝池了不傷知君喜極重霑裳圖書徧押宣和璽

賈向東京相國廊

夢斷杯捲淚暗傾雙琴空用錦囊盛兒嬉髻前生事

那記拋簾理柱聲

之洞生四歲母朱太恭人沒太恭人善鼓琴遺琴二見存

朱萼裁詩孝子懷阜囊記注史臣才獨憐紗幔傳周禮
不剩殘編奇字來

黃忠端墨妙亭斷碑硯歌爲孫給事楫賦

萋叔淪精化爲碧不如石齋有片石此石來自茗溪頭
春波照影玻璃色手寫孝經一百通龍尾鳳喙皆逃匿
墨妙之亭今榛蕪當年運石煩千夫漢碑聚散人不道
詩刻獨惜眉山蘇不因硯材收斷壁焚燼亦與嶧山俱

任城給事獨妮古滌硯草疏筆如杵爲訪餘石裝百衲
莫令東坡辱礎礎

悲懷

悼亡室灤州石氏

下澤乘車素志非遠遊歲歲著征衣霜筠雪竹鍾山老

洒涕空吟一日歸

王荆公有一日歸行賤貧奔走食與衣百日在外一日歸云云爲悼亡作

玉筯雙垂便溘然

沒時兩鼻垂玉筯長尺許

人言佛果定生天如何

明達通儒理不信西方淨土禪

遺囑勿作佛事

酒失常遭執友嗔韜精豈效閉關人今朝又共荆高醉
枕上何人諫伯倫

龍具淒淒慣忍寒篋中敝布剩衣單留教兒女知家訓

莫作遺簪故鏡看

空房冷落樂羊機，忤世年年悟昨非。
卿道房謀輸杜斷，佩腰何用覓弦韋。

訪萬柳堂

溪堂頽盡野人知，老柳蕭疎尙挂絲。
跋扈毛牲曾爛醉，淒涼才甫已來遲。

劉才甫集有游萬柳堂記

文章小技猶賢相，亭榭

嬉游亦盛時。遊徧城南望城北，西涯無主孰題詩。

法梧門祭酒居西涯，卽李茶陵故宅。題其齋曰詩龕。在德勝門內西北隅。萬柳堂在京城東南去廣渠門不遠。

連鎮僧忠親王戰壘

此是名王舊戰場，連村青草上頽牆。
野狐爭冢拋殘骨，

官馬眠坡帶烙創能率六盟念甥舅獨提一旅壓淮湘
秬侯只畫麒麟閣請看中原百廟堂

江上望荊州城

蒼籙旣徂東諸姬遂搖盪雲夢納九流南紀最清壯夏
矣祝熊澤封宇啟江上藍葦逞攘剔山林頓昭曠業業
渚宮起包匭漸倔強蠻闢巴濮險神赫滌漳望良弼登
於菟俊儒侍倚相夾漢北門遠踰淮東略廣六國絜雄
富惟楚堪霸王後嗣壹湛樂止隅無遠量青兕供射獵
黃雀味譏謗朝雲巫峽陰夕風蘭臺暢鄂君何婉變宋
玉殊謔浪孤譽終沈原老師亦棄況問天慙不聰割地

憎被誑儻盡楚材用秦師詎東向湘東及銑汭蝸角等
昏妄七澤今安流三戶久彫喪軍府仍上游天塹實巨
防三楚十年亂南郡獨保障江步存殷賑墟邑察潦漲
息壤古茫昧徒州秋悽愴江漢日滔滔賦詩箴佚蕩

漢上秦臺

莊叟忘言痛惠施伯牙輟響爲鍾期從來朋友雲龍契
亦等君臣石水知處默固應渾眾獨希聲何用計成虧
推琴慷慨秦廷對孰使謀之自敗之

戰國策中旗推琴而對曰君與知之

者謀之而與不知者敗之盧抱經謂中旗卽鍾期是也

詠懷湖北古蹟九首

黃陵廟

千秋哀怨數湘君
悵望涼波落葉紛
遊幸本來殊穆滿
不才難免惜商均
同心斑竹千行淚
一去蒼梧萬里雲
獨有謫仙傳苦意
不殊靈瑟夜中聞

屈大夫祠

在歸州江上

心憂三戶爲秦虜
身放江潭作楚囚
處處芳蘭開涕淚
年年寒橘落沙洲
嬋媛與歎終無一作何
濟婞直危身亦
有由宋玉景差無
學術僅傳詞賦麗
千秋

鸚鵡洲

當塗威武傾天下
七尺書生抗老奸
濁世豺狼遊地上

清風蘭雪在人間
孔融報國憐無智
德祖戍生枉厚顏
怨女微禽同束縛
辭家悔別隴西山

吳王臺

在武昌縣西山

一嶺如龍九曲迴
江東霸主起高臺
羞從洛下單車去
親見樊山廣譙開
水陸上游成割據
君臣投分少疑猜
張昭乞食無長策
豚犬悠悠等可哀

杜征南祠

在襄陽

碑無文字湮陵谷
公有勳名照古今
共覩平吳功燦爛
誰知癖左智深沈
幕僚湛輩皆奇士
朝貴張華識苦心
羊傅德優才未若
遺踪卓冠漢江潯

陶桓公祠

在武昌縣寒溪寺

江左諸軍望義旗，明公一下決安危。
曾聞運甓憂勞語，可勝新亭涕淚時。
虛譽回翔殊庾亮，替人辛苦覓愆期。
南朝史傳多疑謗，百鍊精金後世知。

黃鶴樓太白堂

江上危磯九丈樓，雄奇只稱謫仙游。
看花送客逢三月，放筆題詩隘九州。
青嶂猶橫漢陽渡，浮雲難掃日邊愁。
多君詞客饒英氣，目笑蒼蠅狎白鷗。

日邊愁多君詞客饒英氣目笑蒼蠅狎白鷗

秋風亭

寇萊公作在巴東縣今存

萊公作縣種松成靜對孤舟野水生三峽漁樵淹壯志
千年亭榭被高名時平自向北門卧學晚終嗟嶺外行
安用樓臺從地起西州魏野識高清

赤壁東坡祠

東坡適意在黃州夢想瓊樓天上秋文字雖多無諷刺
笙歌既少得清游鴉銜破紙三寒食鶴聽哀簫一釣舟
鉤黨洶洶催白髮西山應恨不淹留

四生哀

按部所至拔其尤異者得高才生數十人召來
省會爲搆精舍俾讀書其中未及再期物故者

四人皆上選也方干賜第無望於幽冥敬禮遺
文罕傳於生後今肄業諸生得第若干人而四
生已矣感念愴懷不能已已乃合光祿五君詠
工部八哀七歌之體作四生哀以存其名

蒲圻賀人駒

弟兄多才宋韓氏纈絳綜維皆國器蒲圻賀氏亦不惡
駒驥駿騄俱雋異駒之選學何便便有如江都李崇賢
學僮千人駿爲首子衿二百駒爲先使者動色相歎羨
何況士口爭喧傳驥已崢嶸登上第坐待天路同聯翩
千里貽書招不赴遽執殤中入重泉重泉黯黹無朝暮

何堪此中埋玉樹

安陸陳作輔

陳生文詞如吉金摩拊潤澤黝而深純鉤鏞采凋羣色
大瑟動操箝凡音文章非難孝弟難自相師友窮丹鉛
慈母苦戒歐心血良友不意天天年文人知樂不知苦
河魚出膏適自煮瓠肥玉白誰家兒八百孤寒淚如雨

孝感傅廷浩

欽定制義一文體頌諸海內藏學官理大物博小生訝
束置高閣不敢觀傅生搜紹有微尙上自化治迄雍乾
作爲文章無人愛如奏雅樂知音難三詩六筆皆奇偉

銀鋸刀劍商湯盤獨有拙書等羅趙暗惜此相當酸寒
酸寒未已竟天死吁其誰與迴狂瀾

斲水范昌棣

河東記室始賦江名與元虛相頡頏敷陳往往雜海錯
乃知擇語非精詳當時王宅在江外氣勢豈能籠八荒
神武中興奠江表瀆靈效順不煩騰黃鶴西樓選賦才
發揮地靈賴文藻羣賢落筆皆泚泚第一斲水范季常
提挈七千六百里筆開墨闔生陰陽太沖把臂與公頌
始信古短輸今長平生詩才尤殊絕能將宋意入唐格
紫府桂殿皆荒唐何用文人供塗澤蘅杜不春蘭蕙愁

引三事ノ全集 卷二二二二二
使我楚江無顏色

哭陳生作輔

安陸縣學生經義治事學舍高材生二十人之
一也文章最醇雅今秋行部德安作輔未赴試
問之校官則曰作輔於九月間死矣驚悞累日
作詩哀之以示其弟作賓作彥

鈴閣傳聞一泣然誰教鬼錄奪翩翩固知璆壁非時寶
不獨膏薰坐自煎詞賦縱懸難續命弟兄雖雋莫齊肩
鐙前轉盡王郎塵恰限斯人四十年

陳歿時
四十歲

江南梅子賀方回的的文章是異才已歎重陰幽玉樹

蒲圻賀生人駒爲武昌諸生之冠今春二月間溘逝更堪二妙赴泉臺滋蘭成晦元霜酷種柏翹柯野火摧鍾賦蒐求都不易嗚呼吾道豈其衰

湖北提學官署草木詩十二首

桂

聞之春秋緯桂連名士生後來郊竇輩因以方科名前爲試士廊後爲退食廳俠侍如卯妙繚枝懸幽馨我謂似君子大冬猶敷榮坐諷小山作感茲偃蹇形所養不相宥捆載戍繁英其一子如栴其一悴欲零厲禁望後來勿爲翦拜傾

梧桐

屋阿一小樓劣可容我書登樓闢虛窗闢然立高梧
尺染水碧瓦溝引露珠秋風漸蕭慘未覺根植孤此物
產龍門百尺干清虛牆宇遭迫迫生氣悶不舒側挺與
附枝一一當芟除縱之出天表豈無鸛鸞雛

藤

三年一易官一藤百餘歲枯枿閱生人使者累百輩墜
雨去不留清蔭終蒼翠春末發紫蕤瓊瑤引至地如坐
維摩牀花雨自空墜矯矯虬龍姿芬芳復可佩架閣久
不治未免損奇氣不知潛抵深徒賞朝華媚

蘭

楚澤多香草一香爲之祖風露靄清晨靜貞出媚嫵
柰徒馨烈雅鄭不同語屏息久相對和悅達肺府吾聞
離騷經動以畹晦數何異柴與楛車載過梁甫及今頗
哀歇幽芳萎江渚草木亦有心願爲君子伍世無屈靈
均雖佩亦辱汝

桃

堂背種山桃兩碧屨一紅有如三女粲對舞嬌春風凝
酥射豔雪炙日愁消融短短愈少好能妍不在豐向人
颯欲笑喜氣薰房櫳所惜地渴澤根莖未得充十年當

可殺道常勿計功

紫荆

余兄仲穆去冬沒於官署

賓館低於眉門有一老荆膚滑不留手華爛不容睛桃
紅李能白況茲紅白并彤雲在天際縹緲誰敢攫拙匠
治屋漏一枝當南榮悍然鋸之去大如車軸橫斷者不
復續泣然泣花精感此傷胸臆念我同根生

余兄仲穆去冬歿於

官署

竹

叔孫居官舍一日必葺牆想見無所苟豈論暫與常我
爲百口計前賢安敢望闢地斬叢棘因山築虛堂弱植

植爲籓醜石偃爲床石罅不宜木對酌栽短篁去年美
箭活今年孫枝長不得一對嘯卒卒經三霜秀外而剛
中此君勿弭忘

蠟梅

芴蕝似藁本虵床似蘼蕪眞贗何以別但視香有無何
物緋色梅的的融蠟珠縱然芳臭勝豈無甘淡殊落實
不可茹摛英聊足娛亦如含毒醜羣羽爲世須似龍非
眞龍貴耳良足吁

何首烏

坡顛得土菌自詫名肉芝我笑二蘇妄復蹈二蘇癡廢

引子集卷之三十一
三
圃有上藥引蔓緣山岐盤根肖嬰孺疑其能嬰呪稔人
與杞犬同有却老奇兒童不知珍把弄旋失之我髮白
可鑷我弟亦清羸再得意與共俱享黃髮期

構

種樹不易蕃易蕃莫如穀毛公作詩傳命諡曰惡木穿
牆走橫株蓄汁蘊餘毒時時煩斤劘槎枿旋青綠頗詩
佳花藥生意常慘蹙我僕釋斤諫好醜皆天物何必勞
拮据要聽同遺育褊心不可回誓絕句萌出

雜草木詩二首

籬落有微生濡露亦結實不能紅如砂但見黑點漆延

緣何所窮牽引上東壁秋雨傾竹籬萎爛堵下石附物
固不長因依亦當識不見兔絲子施松至百尺

春華多在木秋華多在草慘如漆室女自傷嫁不早似
得天意憐幽冷益娟好敗或如齊紫素或如魯縞黯淡
抽馬藍矜誇挺葵蓼無意偶一漑霜質猶未搞穠靚世
所欣吾獨憐潦倒

恭擬大婚樂章四章

大學士恭捧詔書起由中階降奏乂平之章

嘉祥帝眷孚乾始坤元合聖謨蕃祉炳皇圖藻景昭陳
協氣敷宣綸懍步趨編璧葉琢金符喬采煥雲衢六禮

備兆情愉

皇后詣慈寧宮

皇太后具禮服出內宮奏翕

平之章

懿範雍和孝德揚儷日月同光承天地有常喜洽璇闈
慶未央虔恭婦順彰禕鞠壺儀祥蘭馭肅翠葍颺紹
繼徽音式萬方

皇太后還宮奏平之章

茂典邁嬪京任妣聯輝緝禮成內治稟儀型晬穆慈顏
福履盈垓埏樂晏清陳葆佾靄霓旌璆佩節和聲雲輅
舉月波明

皇上受賀畢御內殿奏成平之章

二曜光昭萃茂釐乾籙啟昌期中闈贊威儀肇正人倫
萬福基鴛梁愜聖慈麟趾叶風詩炳帝極衍宗支萬葉
千春海宇熙

和王壬秋五月一日龍樹寺集詩一首

王功多楚產君獨好文學苑枯若轉轂一士翔寥廓四
學並甄綜六筆咸宏博報罷意無悶雅尙在述作昨日
城西集儀璘方合朔豈罄接席歡孰喻傾蓋樂高文如
清風俯仰成寄託太息金門下揚雄獨寂寞

極樂寺海棠初開置酒會客

今日不雨明日復不雨白日能笑花能語今日不出明日復不出迴風舞雪隨黃土火急邀客城西去絳蕾如珠點碧樹莫嫌來早香未齊猶勝繁枝逼春暮當年合抱二十株主僧蛻去花亦枯一株儼然似房老新叢稚齒鬪娟好憶昔上林未罷時侍臣下直尋春嬉五侯七貴來覓醉棋子方禱青螺卮卽今遊賞雖蕭索靜晝晴光亦不惡那須銀燭按涼州巾履徘徊到日落秦翁白髮非少年心情猶逐春風顛手裂冰縑寫豔骨醉來輒就花陰眠

其日秦誼亭被酒離席熟睡

君不見定惠院宇今寂寥碧

雞坊底生蓬蒿畫成題詩付老衲要令來者思吾曹

和王壬秋孝廉食瓜詩三首

啼髮簾旌卷彈棋塵尾橫
茶湯朝客散枕簟午風清
珍蓀傾仙液頰頰失薄醅
餘犀猶可惜棄置重含情

文讌曹吳樂南皮不可忘
七年京洛客一頃故園荒
甘

脆憎多雨

瓜喜旱惡雨

青瑩埽薄霜祇應南館下
鉤帶已緣

岡

傲居在縣城南三里當是魏文所說南館地矣

帝里駢冠蓋交衢犯鬱蒸
詣人泥沒馬輟食劍驅蠅
玉椀三危露銅盤六月冰
煩將治內熱作頌我猶能

潘侍郎藤陰書屋勘書圖
歌圖爲無錫秦誼亭作
良庖炊飯先擇米讀書先
從校勘始秣穰不斂炊不熟

有如麻沙不可讀司農坐領天祿閣手定中經成七畧
沈約馬前逢貨書安昌堂後無聲樂掖門散仗晝漏稀
藤陰滿地鳴騶歸閉門發篋謝賓客冷冷水石風吹衣
譌文改定七百字疾如槁葉隨風飛豈知把筆不妄下
祕本參檢累百架西州不恨漆簡殘過江能辨壺盧詐
乾隆四庫求遺書微聞寫官多魯魚安得公等爲典校
盡剔魚目還珍珠我如邢劭不精詳嬾捉禿管施雌黃
窺日觀月各自快未知南北誰短長此圖事韻畫亦好
如見斜簪王仲寶百宋千元畫裡看翻對此圖恨秦老

送王壬秋歸湘潭

王爲某故相客
故有中郎之感

鳴華鐘調素琴漆室老女方哀吟不嫁不悲好顏色不
知何事傷春心春心千里歲華晚洞庭風起白波卷游
子對酒思故鄉秋士登高悲送遠不如一觴歡今夕此
會不比新亭集橫流能無滄海憂陸沈差免神州泣情
懷難遣遊梁人聲價猶同人洛日機雲入洛正青春屣
履公卿競到門東宮絕豔徐陵體江左哀思庾信文筆
毫費盡珊瑚架墨瀋書殘白練裙璧月如花照瓊樹漢
皇好文偏不遇談經何意動紅陽獻策豈能感揚素貴
游偶饜五侯鯖微識早成彙士賦作賦雕蟲悔誤身橫
刀負羽恥依人河北軍中呵太守征西坐上笑參軍十

年偃卧衡山裏侯王徒隸崢嶸起已知馬槩勝文章猶倚儒冠侮兵子鄉人不薦馬長卿生意刁騷殷仲文種

柳江潭忽已老蓬萊再到今揚塵間關北來誰共語朝

野歡娛奏鐘鼓千官重見漢威儀故宮仍是周禾黍

壬秋

新製圓明園詞爲人傳誦

詞客弔奇偶經過野望蒼梧涕淚多不信

禳災憑屬玉竟符妖讖陷銅駝沈炯登臺空拜表梁鴻

過闕獨哀歌哀歌莫被中朝怒拜表幡然念鄉土淮南

叢桂娟娟生不樂留住長安城秦嘉上計終思婦王式

徵來本強行九嶷窈窕湘波綠高樓正臨湘水曲女兒

授學書滿床小婦彈箏美如玉儘添鴻寶付名山會聽

蒲輪動空谷君去江干蘭自芳君詩蕩氣更迴腸欲從
無奈湘潭水我亦金門執戟郎

潘少司農嗜鄭學名其讀書之室曰鄭奩屬張掖
張君握高密漢人石刻畫象摸寫爲圖以同治十
一年七月五日康成生日置酒展拜會者十一

人因題小詩二首

戎馬周旋劉使君幅巾長揖大將軍後生不會雄奇意
但道研精注典墳

趙碑亡失史碑荒濰水沄沄繞禮堂尙有典型在圖畫

高齋親炷漢宮香

洪駒父香譜有鄭康成注
漢宮香方又見墨莊漫錄

新春二日獨遊慈仁寺謁顧祠

悴節常苦寂歡辰常厭囂東風悅士女歌吹嬰春朝
街西獨閒曠不與遊人遭禪關驚卧龐蹇然破寂寥
庭陰貯餘雪渾瑩不受雕頽檐有凍溜髡樹無柔條
緇徒閉戶睡爐火細欲銷寺後有癡邱觀闕見峇巒
梵容闕網戶讚頌遺先朝何年廟市徒求書琉璃窰
春燈照百貨車馬如乘潮雙松適靜性仍伴枯僧寮
儼如魯兩生偃蹇不可招又似二詩老倔强島與郊
返景落樛幹態色出蕭騷籠袖且久立已聞粥鼓敲
豈惟肝肺清坐使榮觀超獨畏菰中人剝啄致譏嘲

亭林著有菰中隨筆一卷取東吳菰蘆中人語

題彭侍郎畫梅

畫爲何人所藏其人亦能畫今憶其人乃謝麀

也伯

春分三日雨雪霏閉門蒙幕箒熏衣忽撐冷眼看冷畫
怒蕊貼幹交柯稀此花倔强如此老老將畫筆龍天矯
暈墨偶用華光法放筆羞摹仲圭稿但見嶺頭月掛樹
不知世上霜殺草豈知霜寒冰已堅長松巨柏今凋殘
時曾文正公新薨獨持幽豔媚空谷石腸玉貌無人憐日日畫
梅萬毫禿寶刀鏽澁髀生肉西隣有客喜貞苦故遣驛
使慰幽獨君欲報此一枝春何不畫作孤生竹

南注修禊送客

今年節早春翻遲枯槎細草無春姿
枝頭嚶羽得氣早呼羣共逐新晴
嬉人亦如鳥愛朋類佩壺步履將
何之城隅積水八寸綠照見鳧鷖
白如玉高軒恰可臨漱浣淺瀨聊
堪濯纓足足底葭萌何短短碧煙
如縠晝陰煖燕郊日日多風沙對
此風懷復不淺君不見漢輦衣冠
灞水游唐京花柳曲江頭會稽內
史好感慨臨觴把筆生春愁人生
別離動千里良辰勝集能有幾不
信離愁日夜生試看蘆芽長春水

秦子衡爲孫駕航畫崇效寺丁香海棠卷

奔走幽僻尋春花白紙坊下逢僧
家禪房晝掩草斷路

幾年不見金犢車，朽株卧草強八尺。當年曾媚嬉春客，

小叢薄豔不成嬌。婀娜銀鉤黯石墨王。漁洋朱竹垞種

花留詩句翁。覃溪吳荷屋題詩補花樹兩孫來游尙有

花和詩寫花費豪素。丁香麗殿干珠圓。海棠霞暈扶春

烟。至今紙上鬪香色。疑驕似妬如。能言國初可憐多詩

老翁。吳後來才漸小。祇今又作古人看。爭使紅芳不枯

槁。勸君莫問西來閣。壞壁空廊宿燕鴿。唐賢石刻苔錢

生。故相勝書蛛網絡。京洛歲歲花連天。只有才調慙前

賢。此圖不滅花不老。人物重逢一作二百年。蒼茫

和潘伯寅壬申消夏六詠

搨銘

鼎彝何足好所好其文字歟識多通假往往證經義高
館擁法物拊手瑩紫翠莒鐘尤突兀樂于符往制千載
未入錄呂薛盡失氣犧尊逢劉杳贗鼎避展季宣和六
千種終當歸羅致我愧張子高空讀美陽器

讀碑

侯獲碑

訪碑窮寰宇乃至陽關外裴岑已數見高昌徒靈怪

唐侯

君集平高昌碑不可搨搨則有風電伊吾漢屯官侯獲有遺愛幾見青海

枯未令白石碎窮邊紙墨靡波磔半明晦箝口更畫肚
率然以臆對寥落得三行官闕已備載請君致精本方

知非傳會

第三行模糊特甚釋者言人人殊余定爲孝廉苗邱烏圩張掖長九字

品泉

祖約杭世駿

皆錢癖所愛當時錢學人獨佞古嗜好殊

薌羶大者如書刀

齊刀甚刀之類

小者逾縷環

榆莢蟻鼻之類

奇品直

斤金當千何足言隋譜久亡佚洪志徒誕謾初

渭園

翁

宜泉戴

鹿牀

劉

燕庭

李

竹朋 哀鳩成一編豈惟辨么壯

史代資考研寶儀號讀書猶漏公祐年

輔公祐紀元號乾德不獨後蜀

論印

嘯堂錄古印尙不及先秦豈知蒼姬物纍纍彌足珍吾

行規異說鑿空徒紛紜

學古編謂三代無印

璽書與璽節乃忘經

傳文遺範述斗檢土花猶璘彬偏旁多移易往往窮解

人

繆篆摹印不必合於古六書

繆篆已絕學殊異亦書云陳

壽卿吳

子苾

勿修大鼎足將在君

陳得周印三吳得周印六據籀文有璽字是周有印之證

也

還硯

往年孫給事示我石一枚書碑出東坡琢硯得石齋兩賢相映發可以敵瑤瑰大屈竟復返連城終歸來吳興

渺賢守螭壁叢蒿萊當其伐山初豈期爲硯材宋刻已

斷爛漢碣宜沈薶

費鳳碑

徒憐漢臯曲玉筍生青苔

湖北天門

縣漢水畔有熊氏園園植一石乃墨妙亭物削長四尺分書題名曰玉筍余訪得之

檢書

麗色若可餐佳墨若可啜亦如舊槧書未讀神先悅
窅然蠅鬚館插架齊棗棧上攬宋東京下羅明中葉大盜
燬江左書種奄欲絕天一旣雨散土禮久煙滅掇拾甘
破產收買及斷缺借觀君其許一甌吾已設

曉起至石閘海看荷花奇克坦泰觀察邀入水軒
置酒素不識主人賦詩謝之

鳳城傳鑰烏鵲起樹杪晨光變青紫地安門外千石陂
壓地紅雲不見水水足葉大花房深初日流照開花心
暗有小風動疏葛踏盡沙隄高柳陰最勝橋東第一宅

青衣拔闕出延客露香滿室冰紗空綠窗交瑣生顏色
雲錦爇熱赤輪午鈿車蹙起大隄土支床拂簟看遊人
不知門外揮汗雨凍醪飮果金鱗鮮主人爲我償酒錢
王猷看竹不問主乃知何代無高賢多謝主人太勞劇
不如爾我適其適何不捨宅爲酒樓乞與都人過伏日
賢韻以下一本作客太坦率主勞劇愧我學道未入室
竹院客話縱不真豈如無客適其適我願盡忘眼耳鼻
舌色香味並忘

冰天與伏日

病起遊諸寺

病夫多道心止觀自生靜偶然憶蘭若獨往取適性敬
愛東固佳石壁西亦聽不必攜賓朋何用恩禪定心冥

風動旛機息鳥驚磬黃葉下虛廊
道然發嘯詠訖遊不見僧卽此安心竟
陋哉杜紫微空門贊名姓

送同年楊紹卿由戶部主事呈請改官開化縣令
舊是郎官宿今爲枳棘棲荒城猶犖確春隴始鋤犁
早蓋鞭笞靜青山笠屐攜懸知詩筆好題徧浙江西

題董研樵玉泉院聽泉圖

畫一石谷中
嵌陳搏睡象

空谷老仙好鼾睡不聞雷震與鼎沸水閣一客擁柱吟
獨覺風泉勝鼓吹世間誰妄定誰真都由六鑿生根塵
若聽清音道可喜行逢鼃鼃耳須洗察者多思蒙者適
不如看山枕白石

世尊聞鐘問弟子此聲在鐘抑在耳在耳將奈羣聾何
在鐘眾聽胡相似此圖百道飛鳴玉我欲聽之寂無物
主人看畫思舊遊髮歸妙音發琴筑漠者不應感者求
不逢知已徒煩憂

九日慈仁寺毘盧閣登高謝麝伯何鐵生陳六舟
朱肯甫董硯樵陳逸山王廉生同遊

吾欲反悲秋秋氣實快哉木落天兩霜萬里無氛埃志
士如黃鵠人海厭沈埋且登三藏閣何異九成臺磴道
既多剝步欄又已摧秋花亦疎薄辛苦殘僧栽紛然儻
侶集解帶傾尊壘晴空擁太行萬馬脫銜來蘆溝濁似

湯薊邱低如坏決雲一雕起拂霄羣雁排逸氣翔寥廓
頓使襟抱開諸公皆能賦一一大夫才下視九陌人營
擾徒喧厯年年有重陽望古今人哀此寺盛明季法筵
闕如雷國初猶莊嚴廟市奇書堆亭林質廡住漁洋遊
春回近日壽陽相重復闢蒿萊坐客皆龍虎張石洲陳
頌甫朱伯韓曾文正梅伯言嘉會已陳迹行逕生荒苔
各自有千古恨不相追陪撫此白露零感我元鬢衰靡
靡枝上葉常被商聲催請看雙虬松鐵幹無摧頽牛山
景下泣秋井杜銜杯二子孰爲賢悠悠非我懷

題潘伯寅侍郎極樂寺看花圖卷

西郊密春雲出門澹塵慮陟原得清曠卽麓轉盤互瀧
瀧循澄流藹藹見嘉樹南直貝子園北眺西涯墓鬱鬱

鬢陀林諸天散香霧喬幹膚散繭灌叢容妍媸哲王珠

勝書

成哲親
王題榻

經師松牌句

洪稚存詩
在壁上

侍郎敬愛客于野

集簪屨鳴珂僣從屏行廚觥籌具所憾期集遲絳雪紛
委路撫柯倦勝賞駐景託絹素前游值始華嘉會我未
與後游已爛漫良辰薄春暮令姿少長年畸士艱良遇
主僧笑我愚狂華擾眞悟請圖鎮山門永救善神護俯
仰成今昔興懷等禊序穠華有枯苑妙墨無朽蠹授簡
不能辭竊比寒具污

過華山

不計艱危始見功，發狂華頂有韓公。
靈降佛骨頑馴鯉，始信昌黎百世雄。

亂世酣眠澗谷幽，承平策蹇汴京遊。
救時悟主都無策，終是神仙第二流。

驪山

不見靈巖疊嶂雄，又無湖澤映離宮。
五朝心醉驪山好，都是勞人使鬼功。
由余見秦宮室曰使人爲之則勞民矣使鬼爲之則勞神矣

灞橋二首

長虹不雨卧晴瀾，細柳因風拂馬鞍。
殘月酒醒詞意好

汴京不似似長安

祖帳征夫怨別離
騎驢孤客苦吟詩
誰憐灞水傷心處
見慣降王繫組時

馬嵬驛讀壁上石刻詩

玉貌從來善累身

歐公崇徽公主手痕詩
玉顏自昔爲身累

楊妃更累帝蒙

塵香山歌曲陳鴻傳
悽感何干到小臣

劍閣

劉宗北去李雄來
縱闢昏狂衍昶哀
幾見一夫當道守

徒憐雙劍倚天開
黝巖誰燬洪爐鐵

劍閣山石皆黑色

雪澗空

鳴蟄壑雷堪笑明皇旋蹕句
方思君德與銘才

一本作雨昏峻

壁撐生鐵石轉飛流響怒雷莫道
勒銘迂濶語安危誰是濟時才

登眉州三蘇祠雲嶼樓

祠與試院鄰
有門與祠通

坡公南歸老陽羨買宅不入竟折券追逐未安白鶴居

結銜遙寄玉局觀樂城終見子孫長斜川差有水竹戀

峨岷西望徒懷鄉豈意鄉人作祠堂

一本作一家西望
徒懷鄉鄉人種樹

築祠

堂上骨肉盡合食庭檜夾侍虬龍翔

一本無樹茂
此二句

竹美人未足並鑿兩池起華屋蜀茶可薦三春芹假山

猶是千年木

木假山今見
存齋立堂下

諸賢魂魄儻樂此想見張髯

並捫腹入門楸花粲春風

祠有楸樹極
老花極繁

花飛入水波涵

空西池竭澤窘魚子東池吐溜歡鳧翁文書遮眼黑如

蟻刮膜賴有一泓水門外謝遣立鵠人脫冠去佩漱清

泚三年皮骨嗟空存半日燕閒曾有幾共我登樓有眾

賓毛生楊生詩清新范生書畫有蘇意蜀才皆是同鄉

人仁壽學生毛席豐綿竹學生楊銳華陽學生范溶皆高材生召之從行讀書親與講論使挈經學昔

聞采石張文讌高唱呼起謫仙魂主人未半朱竹君座

客已三黃景仁蜀產無如天水盛氣節文章多可敬紫

巖父子亦世家雁湖兄弟仍同姓景仁忠直雍國功都

與三蘇相輝映名山大川靈氣長誰道後來終不競思

賢懷古難久留囑付道士祠春秋賦詩不敢寫祠壁作

俑勿隨何道州

何有詩版在西池上

滁山書堂歌送吳仲宣尙書東歸將寓滁州

蜀人八年夜安枕蜀江三月花如錦軍府熙熙好爲樂

卻念圍燕厭官廩此邦安危仗才傑花縣相公會持節

武功才竟未修文前哲遺憾待來哲譬如病後須淖糜

公以寬大蘇創瘼流馬餽軍箕谷口繩橋渡士瀘江湄

援秦援黔防隴防滇灌瓜善鄰真古誼遂平河隴西南夷秦隴滇黔比年

以次底定均仰川四封無警草木喜公謂教行方俗美

黃龍清酒無桀鷲四廳五屯土司蕃夷種人帖服無事或小紛紜皆以時撫定安堵白

狼槃木解文理松藩所轄夷砦十八請內附爲請增學額衿佩青青附景來

傑閣隆隆切雲起淑尊經書院建經閣自發瓊環三十乘善本流

傳親勘定

設書局刊書取坊行說文爲之校正經例違紹金陀坊刊岳本五經

史闕重補汪文盛

刊四史明汪文盛刊三史號善本其餘祕裘何紛綸

都是昭裔傳家珍

刊文選諸子集之類已賚刀布遺博士捐巨金增廣錦

江書院膏火

更薦犬酒祀經神尊經書院製木主祀蜀中先賢經師

石室禮壓

沒春草安知繼起非今人時清卧治亦易了何況神觀

未衰老忽憶家園萬牙籤蛛絲蠹跡無人掃

藏書甚富率皆舊槧

善本滁山深蔚滁泉香中有尙書讀書堂宋槧明鈔四羅

列朱履白髮中徜徉不惜餅金購一軸充棟都會經手

觸狻坐牙旗十五年長物止此堪夸目我亦癖書如琳

璆享帚狹陋良足羞監酒載書儻許借他日準擬相從

游猶憶徐方驛，騷日萬家大縣剩。十室不有艱難百戰人，誰翦荆榛換黍稷。老罷在鎮孰敢過，東至於海西於河。淮泗口塞七國敗，功侔條侯當非阿。淮泗口卽今清江浦功在

江淮德在蜀，年年俯仰飽殮粥。巨人長德非空言，歲星

所躔國有福。去年德音罷露臺，片疏回天赦窮谷。內務府行

文令四川采大木修圓明園公以今四月山中無大木奏寢其事春水方生公去時，萬

民戀母士戀師。卽今說尹不去口，何待去後方見思。去

思勒碑深不磨，功成身退能幾多。請張祖帳青門畫，遣

唱驅駒王式歌。有詩留別書院諸生諸生人有和章

嘉州酒歌

四川渝酒頗有名重慶所釀也嘉定酒最清雋罕
有稱者余平生好爲表微之論作歌張之

蜀江濯錦膩春水薛濤井出桃花紙青衣來會嘉州城
雙流停涵水味美凌雲山下碧深深照見窈窕峨眉陰
作酒不待女兒嫁家家釀出如黃金薛能陸游醉忘遠

薛陸皆有詩甚
贊嘉州酒之美

豈知今日尙有北客來知音蜀人喜誇

渝州酒不問一石泥數斗平原督郵不到膾濃醜只入
貴人口渝酒濁如蘇合油嘉酒清如雛鷺頭先取麴米
浮脂好次取江面回波柔儻教李白遇此味蘭陵不作
他鄉遊吁嗟乎富春下若今已渺鏡湖一水天下飽世

俗隨人作短長口腹毀譽亦顛倒不惜釀者難但傷營
者少把酒歌殘不忍傾天涯何地無芳草

攜家住桂湖

時余由四川提學報
滿還京住此兩夕

新都明賢相定策誅羣邪升菴亦通才萬卷丹鉛加有
圓不得歸塞耳禮訟譁空第作傳舍後人攀秋花過客
聊寄帑故相不爲家慘淡環幽香一作秀自照淥水涯雖
非平泉木固勝拙政茶回文何哀怨金齒日已斜名福
古難並多取徒咨嗟

遊紫柏山留侯祠

祠在驛
路旁

雲麓標隱居喧喧臨孔道成功辟穀人胡不尋幽窅稍

有一壑秀猶憾層巖少森森庭柏竦

一作竦

涓涓砌泉繞

劉樊吾未能弛擔暫亦好可惜公強飯牽連累四皓如意類龍顏羽翼何顛倒徒拋紫芝香終望赤松杳

住喜雨亭

來時雨洗竹歸時雪壓松

余以癸酉秋充四川考官過鳳翔宿此時值霖雨丙子冬

由蜀還京

來無賓客伴歸有妻孥從豈作三宿戀樂追前遊

蹤荒池幸未涸雜樹且蒙茸簽判本贅旒仙人得從容

庭陰讀詩碣憶弟城南峯秋雁獨耐冷不覺菊酒濃

東坡

詩刻花開酒美何不醉愛上南山冷翠微憶弟淚如雲不散望鄉心與雁南飛云云石在亭下

我有同

遊弟陶然盡一鍾

六弟閏濤從行

遊東湖

鳳翔唐右輔水土頗豐潤岐亂宋亦遠寺閣俱灰燼城隅一湖存隈隩淺數寸近日佳太守亭榭緬高韻湖上亭館爲太守李愐勤伯修葺竹樹偃積雪瓊枝傷蹇困持綸不得下坐被層冰悶僕馭促早發寒具聊強進入觀縱奇偉在亡不及訊白鶴凍不來朝鴉謹成陣

住華山下玉泉院

我想玉女峯上有眞仙家意欲挈細弱同昇餐紫霞旣到碧琳館遠見青蓮華獨步敬之賦俯視定非夸人道蒼龍嶺石梁如飛蛇秋風懸鐵鉅猿猱猶欲斜躡屩誓

獨往三日未爲賒誰謂餽糧艱遂被山靈遮

登山往返須三日家

人車馬留滯山下資用甚繁遂不果往

夜望集仙關月明雲路遐

褒城

谷口三皇事已奇又占王霸獵雄雌屯田征伐無殘壘
閣道開通有斷碑此地戰爭如鬪鼠何人威略等當髀
深山破驛尋題壁可一作儻有憂時似可之

登牛首山望終南曲江樊川輞川作歌

我升燕臺望太行西旋北繞如龍翔今登牛首望秦嶺
南面連橫如堵牆截然平壤起都會桑乾渭水渾流黃
幽雍以外降一等汴京釜底洛土囊金陵僅栖偏安主

便有陂陀號龍虎臨安湖山最靈秀低首稱臣翫歌舞
乃知邱壑與湖溪止娛寒士遊醯雞文章綺靡士氣薄
市廛儂巧民心攜赤烏草草樊山駐烏喙鬱鬱會稽栖
平城廣莫魏滑夏和林荒苦元開基遼金並起黃龍外
周秦先居汧渭西建國由來戒沃土勢高氣厚人文武
潤色繁華由後王當年山川本樸魯關中今亦少王氣
輿區自全非上計持戟百萬無定形以雍比幽廣狹異
小儒論都逞文才欲建行宮望幸來小戎不敵回紇馬
陸海已盡南山材方今天子守四海提控詎在西秦隈
碣石難將渤海阻丸泥豈禁函關開後擁突騎護遼瀋

前調兵食收江淮一朝立國有根本況復駕馭今恢恢
守國在德亦在險大險惟有軒轅臺

看法源寺松懷亡友陸廣甫

爾熙

我憎法源寺車喧馬如龍獨有賞會處門下四五松霜
皮白可掃高秀出沈濃六月坐其根火宅失蘊隆念我
素心友清遊每相從一貫內外學見佛不忘恭往往舉
一義老僧懾箭鋒二程較溫厲優劣猶挂胸何計左右
門直會南北宗彈指成去來馬鬣秋草封欲辯誰爲質
惠施難再逢撫此支離樹老壽無春冬

攜家遊江亭

看山宜伴不宜獨如得異書須共讀家有良妻薄名利
拙不能詩亦不俗城南賃屋陋如巢庭狹宇卑無草木
共載始來荒陂下已有清輝炯心目西廊虛敞列蛾眉
近葦遠山等一綠所惜簷翼未深邃晚照灭窗不可觸
北軒納山兼納風又恨城闕多瓦屋朝坐西廊暮北軒
竟日遊行意未足粗婢煮茶羅酒琖山光映鬢青可掬
館職調馴十七載野性仍難變麋鹿只合冀缺安耦耕
提攜饑飯治場穀不然便學龐居士對屋參禪斷葷肉
欲歸無山亦無田借隱且卜香山麓

題湖州趙忠節公

景賢

圍城蠟書遺墨

忠唐挫羯數睢陽尙待昌黎爲表章生遭突圍亡廟食
恩波如此感先皇

麥麴芎藭寫赫蹏干春光氣吐虹霓齊肩只有嘉興沈

貞苦雙忠並浙西

海鹽沈文節公以廣西學政被執不
屈欲謀內應討賊事泄遇害其蠟丸

書稿亦蠅頭細
書今存其家

花之寺看海棠坐中同年董兵備將有秦州之行

春光如箭去可惜有如千里遠行客主人惜別並饒花

對此都能飲一石新陰嫋嫋燕雛語脂光澹薄無幾許

石氏珊瑚強護持關樓紅粉含悽楚乾嘉遺老南城曾

腰纏十萬來廣陵日攜姝麗到花窟寶箏瑤席驚枯僧

墻頭詩榜黯塵土繁華轉眼如風燈承平仕宦得游讌

不解守邊事征戰今日男兒重功名一本作今日豈惜

穠華如飛霰人生美官誰不求涼州美酒能銷憂花好

亦如盛年一作名好莫遣沙場空白頭董硯樵先爲甘涼

鞏秦階道意頗鬱鬱道以憂歸服闋授

哀六朝

古人願逢舜與堯今人攘臂學六朝白晝埋頭趁鬼窟
書體詭險文纖佻上駟未解昭明選變本妄託安吳包
始自江湖及場屋兩漢唐宋皆遷祧神州陸沈六朝始
疆域碎裂羌戎驕鳩摩神聖天師貴末運所感儒風澆

玉臺陋語紉袴鬪造象別字石工雕亡國哀思亂乖怒
真人既出歸烟銷今日六合幸清晏敗氣胡令怪民招
唯水祇祠日眾威蠟丁文字煩邦交笛聲流宕伶歎樂
眉髻愁慘民興謠河北老生喜常語見此蹙額如聞梟
政無大小皆有雅凡物不雅皆爲妖願告禮官與祭酒
輜軒使者頒科條文藝輕浮裴公擯字體不正漢律標
中聲九寸黃鐘貴康莊六達經途遙寶籙縣縣億萬紀
吾道白日懸青霄

永歎

悼亡室福山王氏一本此下有夫人
卽王文敏之妹八字乃後人所增

重我風期諒我剛卽論私我亦堂堂高車蜀使歸來日

尙藉藉一本

王家斗麵香

余還都後窘甚生日蕭然無辨夫人典一衣爲置酒

妄言處處觸危機侍從憂時自計非解識箠鐙悲憤意

終羞攬袂道牛衣

門第崔盧又盛年饒耕負戴總歡然天生此子宜栖隱
偏奪高柔室內賢

題常熟會退庵山莊二圖爲聖與刑部作

趙策三年出袖中知君覩畫意相同喜神無恙園林在

今日潛夫有父風

時聖與下第將歸

虞山文物半榛蕪神護樛枝桂二株展卷忽然成感慨
東臯還有草堂無

立秋後二日同謝磨伯朱肯甫吳清卿王廉生至

石牖海上游泛舟坐漁家秦氏園日暮方歸

東城廉公堂萬柳皆臨流南城梁氏園會泛漁洋舟百
年變陵谷塵堞沒馬鞞九門盛車騎馳逐無時休舟鮫
守蒲澤獨得江湖幽玉泉匯兩派溶溶通御溝坊市漸
疏濶平波轉清瀏輕舸無篷楫亦足供拍浮瑩澈鑿儵
鯉振盪隨鳧鷗疎紅一作紅疎澹酷日淨綠一作綠淨張新秋沿
溯恨有際迴棹聊淹留誰析杖拏辨且諷濯纓謳漁人
期足魚醉飽他何求願分主人榻恣我清夜游白日去
如擲爲此兒戲謀犀首幸無事姑以寫我憂

戒壇松歌

策蹇尋山冒殘暑食宿招提已四五仙嶂靈湫那得逢
枉使人畜揮汗雨精廬雕飾爲檀越佛衣侈劍見黃土
佛法一綫在戒壇叩門先聽松聲寒橫廣平臺五十步
穆穆護法排蒼官墨雲倒垂逾萬斛壓折白石回闌干
潮音震盪纖熸埽氣象已足肅羣頑矯如神龍下聽法
赫若天王司當關十松莊慢皆異態各各凌霄鬪蒼黛
一株偃蹇甘獨舞不與羣松論向背此樹問年臆可知
開皇下迄耶律代門內白足鳴鼓鐘年年傳法欺愚蒙
何人飽食攜坐具享此萬壑清涼風風動樹開見山趾

帝畿浩浩盡

一作窮

百里長波如帶縈

一作抱

壇來歷劫不

枯桑乾水回望西山眾精藍只如房蜂與穴蟻彼法開
山信有人善踞靈奇爲栖止定知末法三千年法終不
滅松不死

偕張繩菴遊潭柘寺看松月

潭柘門前月照松
驪珠吐耀舞羣龍
安排掃地通宵坐
莫急僧樓夜半鐘

累代莊嚴抵布金
窮山涸澗造叢林
能吟堪畫無多處
止有山門百步陰

輓吳圭庵

觀禮

識君日淺見君心兩疏憂時壯翰林交徧公卿無詭合
久更戎馬轉湛深憐才會叫巫咸筮君典蜀試有綿竹揚生高才不遇君
深自咎責謝麴伯前輩病使府三良歿君經紀其喪
至於下泣敦舊親調子敬琴君典麴伯及張兵備樹莢皆
同一厄秦川嗚咽隴雲陰為格靖伯薦辟入幕期月內
並卒

合肥李相太夫人八十壽詩

八座焉能比盛隆五朝親見更誰同恭逢辛卯生明夜
初三日妙契庚申駐景功李太夫人庚申年生聖佐簡嫺天咫尺家
兼周召陝西東邦畿鳴雁今康樂願戴慈雲頌闕宮

天甯寺紫藤花初開獨遊玩之

春事如駒不留影藤花爛漫只俄頃芳妍可賞才五日
常畏陽驕與風猛此遊正值穀雨過丈室吹香晝漏永
纓珞菩薩低垂鬢鱗甲蛟螭曲宛頸密葉張幄已交蔓
細葢編珠猶附梗恰無車馬來喧闐黃蜂薨薨白日靜
玫瑰作甘稍塵濁醪醖似酒或酩酊此花雖甜幸不俗
蕩魄攝心由一作聽自領功德能破定僧禪蒲團觀鼻須
警省狼藉一斗無人惜持歸調酥煎作餅

遊淨業湖訪法梧門故居不得

闕下有滄浪森森不可涉感此十頃碧清光漾城堞詩
龕今在亡乾隆數中葉蒙古老祭酒愛才喜容接投贈

四海徧英靈滿箱篋孤寒生羽毛名譽在齒頰滿洲鐵

貴盛

治亭

漢軍朱豪俠

李純

三賢相羽翼倡和律呂協

開門香滿湖官退心自愜前有西涯翁餘韻遠可躡賣
文亦雅操姑勿責調燮故宅俱渺茫漁邨荒荇芰迎日
翹朱華其下萬綠疊適然驚翠鳥掠水起還貼僧寺啟
北戶風善不用筴此地多戚里珂馬日蹠躩遊客但裸
飲顛倒巾與屨誰會思古心水花賞眉睫吟詠固無用
且免勢燄懾我來常苦遠暮愁風雨霎終當移家來租
屋弄舟楫

謨盡四首

伯厚多聞鄭校讐元金興滅兩無憂文儒宥散姑消日
誤盡才人到白頭

淮譁蜀亂毀藩籬已是弓藏磬盡時德壽才催臨禊帖
阜陵又賞選唐詩

後主春寒弄玉笙章宗秋月坐金明詞人不管興亡事
重譜師涓枕上聲

兵食無籌治本疎秀才酌古論孫吳朱辛都愛龍川好
北固樓頭一酒徒

張文襄公詩集卷二百二十五終

安新陳賡虞校